

KONTROLLE

T-050254797-8
001291 710 90
C&A Rohrer Daniel IPI 00072 97 75 37

Ob i jitz dür d Gasse loufe
Oder düre Bahnhof z Bärn
Ob i itz am Schalter stah
Vore schöne Schwitzer Bank
Oder ob i mis Gaga choufe
Imne Plastic Supermarkt
Was i mache spilt ke Rolle

Es isch ja alles, alles isch under Kontrolle
Es isch ja alles, alles isch under Kontrolle

Hey, Big Brother, loock at me, 1984 das isch scho gly
E Video kamera dert u hie i weiss, du bisch ja geng derby

Ob ig jitze nüm druschume
Bi däm wo si säge Staat
Oder ob i e Wulle gschpüre
Und alles chönnt verschlaa
I frisses i mi ine
Aber lang cha das nümme gaa
Was i mache spielt ke Rolle

Es isch ja alles, alles isch under Kontrolle
Es isch ja alles, alles isch under Kontrolle

Ob ig jitz ufgschtellt bi
U der Buch platzt fasch vor Luscht
Oder ob's mir abglöscht het
Und i gseh nume no der Fruscht
Höflech sägi, „Guete Morge“
D s Lächle gführt mer uf em Gsicht
Was i mache spielt ke Rolle

Es isch ja alles, alles isch under Kontrolle
Es isch ja alles, alles isch under Kontrolle
Es isch ja alles, alles isch under Kontrolle
Es isch ja alles, alles isch under Kontrolle

